



Қазақстан Республикасы және Европалық Одақ арасындағы қаржыландыру туралы Меморандумды бекіту туралы

Қазақстан Республикасының Заңы 1999 жылғы 20 шілде N 449-І

Алматыда 1997 жылғы 20 қыркүйекте жасалған Қазақстан Республикасы және Европалық Одақ арасындағы қаржыландыру туралы Меморандум бекітілсін.

Қазақстан Республикасының
Президенті

1996-1997 Тасис бағдарламасы
Қаржыландыру туралы меморандум

Тараптар:

Бұдан әрі "Комиссия" деп аталатын Еуропалық қоғамдастық комиссиясы бұдан әрі "Қоғамдастық" деп аталатын Еуропалық қоғамдастықтың атынан қатыса отырып,

бір жағынан және

бұдан әрі "ҮКІМЕТ" деп аталатын Қазақстан Республикасының Үкіметі бұдан әрі "ҚАЗАҚСТАН" деп аталатын Қазақстан Республикасының атынан қатыса отырып,
екінші жағынан.

Екі тараптың Қазақстанда 1996-1999 жылдарға арналған техникалық көмекті жүзеге асыру жөніндегі Индикативтік Бағдарламаға (Тасис) келіскеніне орай.

Екі тарап мыналар туралы келісті:

1. Қызметтің нысанасы мен түрі

Аталған шартта тараптар 1997 қаржы жылы бойынша Тасис бағдарламасының шеңберінде қоғамдастық Қазақстан үшін 1996-1997 Іс-қимыл бағдарламасында одан әрі белгіленген және 1-қосымшада қоса берілген және Қаржы меморандумының ажырамас бөлігі болып табылатын субсидиялармен қаржыландыру арқылы техникалық көмекті жүзеге асыратын болады. Көрсетілген бағдарламаның қолайлылығы үшін мыналар

айқындалды:

НКА9701 бағдарламасы Атауы: Қазақстанға техникалық көмек

2. Жүзеге асыру

Қабылданатын және 1-бапта оған сілтеме бар және осы туралы белгіленген ережелерге сәйкес және 2-қосымшада қоса берілген Қаржы меморандумына қолданылатын Жалпы ережелерде қоғамдастықтың бюджетінен қаржыландырылатын іс-шара осы қаржы меморандумының ажырамас бөлігі болып табылады.

Қазақстан үшін 1996-1997 бағдарламасындағы сияқты осы қаржы меморандумындағы және Жалпы ережелерге өзгерістер Қаржы меморандумына қолданылады және жазбаша нысанда көрсетілуі тиіс және тараптардың арасында хаттар алмасу арқылы келісіле алады.

3. Одақтың міндеттемесі

Қоғамдастық 19000000 ЭКЮ (он тоғыз миллион) сома бөле отырып, Қазақстанға арналған 1996-1997 жылғы Іс-қимыл бағдарламасын жүзеге асыруға кіріседі.

4. Ұзақтығы. Мерзімінің аяқталуы

Қаржыландыру шарттары жөніндегі осы Келісім оған екі тарап қол қойған уақыттан бастап күшіне енеді.

Қаржыландыру шарттары жөніндегі осы Келісімнің мерзімінің

аяқталуы - 2000 жылдың 31 желтоқсаны. Осы мерзімнен кейін КА9701 бағдарламасы бойынша кез келген қаржыландырушы баланс тоқтатылады.

Қаржыландырудың шарттары жөніндегі осы Келісім мен тиісті КА9701 бағдарламасының ұзақтығын ұзарту жазбаша нысанда Үкіметтен негізделген сұрау салу ұсынылуымен келісілуі мүмкін.

5. Мекен жайлар

Қаржыландырудың шарттары жөніндегі осы Келісімге қатысты кез келген және барлық ақпарат мына мекен-жайларға жолданады:

Комиссия үшін	Үкімет үшін
European Commission	Өмірзақ Шүкеев мырза
Tacis Programme	Тасис ЕҚ Үйлестіру Бюросының
Mr F. Lamoureux	Тасис Ұлттық Үйлестірушісі
AN 885/31	Желтоқсан (бұрынғы Бейбітшілік)
Rue de Loi 200	көшесі 115
B-1049 Brussels	514-517 бөлмелер
Belgium	480091, Алматы

Қазақстан

6. Көшірмелердің саны

Қаржыландырудың шарттары жөніндегі осы Келісімге ағылшын тіліндегі екі данаға және орыс тіліндегі екі данаға қол қойылды. Екі тіл де түпнұсқа болып саналады.

Еуропалық Комиссия үшін және Қазақстан Республикасы үшін
оның атынан және оның атынан

Аты-жөні: Ван Ден Брук мырза Аты-жөні: Өмірзақ Шукеев мырза

Лауазымы: Қазақстан

Лауазымы: Комиссияның мүшесі Республикасының Вице-Премьері
-Экономика және сауда

Күні: 24-10-97 министрі

Жері Күні: 20.09.97.

Жері: Алматы

Қаржыландыру туралы меморандумға қолданылатын жалпы ережелер

Бірге "Уағдаласушы тараптар" деп аталатын, бұдан әрі "КОМИССИЯ" деп аталатын Еуропалық қоғамдастық комиссиясы бұдан әрі - "Қоғамдастық" деп аталатын Еуропалық экономикалық қоғамдастықтың атынан қатыса отырып,

бір жағынан және

бұдан әрі "ҮКІМЕТ" деп аталатын Қазақстан Республикасының Үкіметі Қазақстан Республикасының атынан қатыса отырып.

Қазақстан Республикасының Қоғамдастық Кеңесінің 1991 жылғы 15 шілдедегі N 2157/91 және 1993 жылғы 19 шілдедегі N 2053/93 нұсқаулықтарында көзделгендей Қоғамдастықтың техникалық жәрдем көрсету бағдарламасы бойынша ІС-ШАРАЛАР түрінде көмек алатын ел болып табылатындығына орай.

Қазақстан Республикасында Қоғамдастықтың техникалық жәрдем көрсету бағдарламасы бойынша қаржыландырылатын ІС-ШАРАЛАРДЫ жүзеге асыру үшін жалпы техникалық, заң және әкімшілік ережелер бекітілуі тиістілігіне орай.

Мыналар туралы келісті:

1-бап

Қазақстан Республикасындағы экономикалық және әлеуметтік реформалар процесін қолдау мақсатында Уағдаласушы тараптардың арасындағы ынтымақтастыққа жәрдем көрсету үшін Уағдаласушы тараптар жоғарыда айтылған нұсқаулықтарда көрсетілгендей Қаржыландыру туралы меморандумға қолданылатын осы Жалпы ережелерде бекітілген техникалық, заң және әкімшілік құрылымдардың шеңберінде

қаржыландырылатын және өмірге енгізілетін ІС-ШАРАЛАРДЫ жүзеге асыруға келісті. ІС-ШАРАЛАРДЫ (немесе ІС-ШАРАЛАР жиынтығының) әрқайсысының жекелеген тетіктері Уағдаласушы тараптар қабылдауы тиіс болатын Қаржыландыру туралы меморандумда (бұдан әрі "Қаржыландыру туралы меморандум" деп аталатын) жазылатын болады.

Уағдаласушы тараптар барлық ІС-ШАРАЛАРДЫ лайықты орындалуын қамтамасыз ету үшін барлық қажетті қадамдарды қолданады.

Уағдаласушы тараптар оны тиімді жүзеге асыру мүддесінде өзара келісім бойынша жекелеген іс-шараларды түрлендіре алады. Мұндай түрлендіру:

а) бағдарламалардың түрлі сандық компоненттерін бөлуді Қаржыландыру туралы меморандумның құны жөніндегі таратылымды көрсетілген соманы 15% асатын өзгертуге;

б) бағдарламалардың мазмұнын немесе техникалық элементтерін айтарлықтай өзгерту жолымен бағдарламаларды бастапқыда айқындалған шарттарда орындауға ықпал етуге әкеп соқтыра алмайды.

2-бап

Осы Жалпы ережелерде қамтылған, Қаржыландыру туралы меморандумға қолданылатын әрбір ІС-ШАРА Қаржыландыру туралы әрбір меморандумға енгізу ұйғарылатын, осы құжатқа қосымшада жазылған жалпы ережелерге сәйкес жүзеге асырылатын болады.

Қаржыландыру туралы меморандум, алайда, ІС-ШАРАНЫ жүзеге асыру үшін қажет болған жағдайда бұл Жалпы ережені түрлендіре және толықтыра алады.

3-бап

Осы Жалпы ережелердің шарттары Қазақстан Республикасы мен көмек алатын, бірақ өзінің мәні бойынша Қаржыландыру туралы жекелеген меморандуммен қамтылмаған басқа да елдер үшін мүдделілікті білдіретін аймақтағы мемлекетаралық

ІС-ШАРАНЫ қоса алғанда, Қоғамдастықтың техникалық жәрдем көрсетуі бағдарламасы бойынша қаржыландырылатын ІС-ШАРАЛАРҒА да қолданылатын болады.

4-бап

Комиссия осы Жалпы ережелер бойынша қаржыландырылатын ІС-ШАРАЛАРҒА қатысты мәселелер үшін Қазақстан Республикасында тіркелген (егер ол болса), комиссияның атынан және Қазақстан Республикасының тиісті биліктерімен тығыз ынтымақтастықта қаржылық және техникалық басқарудың заңды практикасына сәйкес ІС-ШАРАЛАРДЫ жүзеге асыруды қамтамасыз ететін өзінің өкілдігіне ұсыныс жолдай алады.

5-бап

Осы Жалпы ережелерге қатысты кез келген дау Уағдаласушы тараптардың арасындағы осылайша аталған Жалпы ереженің мақсаттарын назарға ала отырып проблемаларды шешу үшін барлық мүмкін болатын күш-жігерді жұмсайтын консультациялардың нысанасы болып табылады.

6-бап

Осы Жалпы ереже оған екі тарап та қол қойған күні күшіне енеді.

Олар Қоғамдастық Кеңесінің 1991 жылғы 15 шілдедегі N 2157/91 және 1993 жылғы 19 шілдедегі N 2053/93 нұсқаулықтарында көзделгендей Қоғамдастықтың техникалық

жәрдем көрсету бағдарламасы бойынша жүзеге асырылатын барлық іс-шараларға қолданылатын болады.

7-бап

Қаржыландыру туралы меморандумға қолданылатын осы Жалпы ереже

1991 жылғы 2 тамызда Еуропалық экономикалық қоғамдастық пен Кеңестік Социалистік Республикалар Одағы қол қойған Хаттаманы алмастырады және тоқтатады.

1994 жылғы 4 ақпанда Брюссельде жасалды, көшірме нұсқалары ағылшын және орыс тілдеріндегі екі түпнұсқалық көшірмеде, әрбір мәтіннің бірдей күші бар.

Еуропалық
Қоғамдастық
Комиссиясы

Сэр Леон БРИТТАН,

Еуропалық қоғамдастық

Комиссиясының вице-президенті

Қазақстан

Республикасының

Үкіметі

Д. Сембаев,

Қазақстан Республикасы

Премьер-Министрінің

бірінші орынбасары

ҚОСЫМША

Қаржыландыру туралы меморандумға
қолданылатын жалпы ережелер

I тарау. Іс шараларды қаржыландыру

1-бап. Қоғамдастықтың көзделіп отырған қаржы қаражаттары

Қоғамдастықтың бұдан әрі "ЕЭҚ субсидиясы" деп аталатын, көлемі Қаржыландыру туралы әрбір меморандумда белгіленетін көзделген қаржы қаражаты лайықты түрде бекітілген келісім шарттардың немесе жұмыс бағдарламаларының негізінде салымдар мен төлемдерді жүзеге асырудың шегін айқындайды.

2-бап. Төлемдер

Төлемдерді аванстар нысанында тікелей мердігерге немесе жұмыс бағдарламаларының негізінде талап етілулерді орындау жағдайында Комиссияның немесе Комиссияның қадағалауымен ІС-ШАРАЛАРДЫ орындалуы үшін жауап беретін ұйымның атынан мердігерлерге төлем жүргізілетін, жоба үшін арнайы арналған банктік шотқа Комиссия жүргізетін болады.

ІС-ШАРА жұмыс бағдарламаларының негізінде жүзеге асырылуы тиіс болатын әр жолы шотқа аванстық төлемдер қолма қол ақша қозғалысының тиісті жоспарларына негізделіп жүргізілетін болады.

Келісімшарттар стандарттық келісімшарттар мен Еуропалық қоғамдастық комиссиясы қолданатын келісім шарттарға арналған жалпы ережелер сияқты халықаралық үлгілерге сәйкес келетін болады.

II тарау. Материалдық-техникалық жабдықтау

3-бап. Жалпы жағдайлар

Техникалық ынтымақтастық жөнінде келісімшарттар және берулер бойынша келісімшарттар жасасу үшін қолданылуы тиіс рәсім төменде қалыптастырылған принциптер ұстаныла отырып, Қаржыландыру туралы меморандумда белгіленетін болады.

4-бап. Көздер

КОМИССИЯ жеке санкцияландырған жағдайларды қоспағанда, келісімшарттарды орындау үшін талап етілетін ресурстар мен қызмет көрсетулер Қоғамдастықтан немесе 1991 жылғы 15 шілдедегі N 2157/91 және 1993 жылғы 19 шілдедегі N 2053/93 нұсқаулықтарда көрсетілген бенефициари елдерден болуы қажет. Бенефициари

елдердің тізімі осы келісімге қол қою сәтінде қоса беріледі.

Жекелеген жағдайларда және Комиссияның ерекше бекітуімен көздер PHARE бағдарламасының бенефициари елдеріне, жерорта теңізі елдеріне дейін, бірлесіп қаржыландыру жағдайында іске қатысы бар басқа да үшінші елдерге дейін кеңейтілуі мүмкін. PHARE бағдарламасы бенефициари елдерінің тізімі Жалпы ережелерге қол қою сәтінде қоса беріледі.

Ұлттық шыққан тегі бірдей немесе әртүрлі фирмалардың арасындағы топтастыру, консорциум және қоса мердігерлік туралы келісім көздің аталған ережесіне енеді.

5-бап. Стандарттық рәсімдерден алшақтау

Мәселенің кезек күттірілмейтіндігі немесе ІС-ШАРАЛАРДЫҢ мәні екінші дәрежедегі маңыздылығы немесе ерекше сипаты бойынша ақталудың қайда екендігі айқындалған жағдайларда (мысалы, екі кезеңді қаржыландыру операциялары, көп фазалы операциялар, жекелеген техникалық ерекшеліктер және т.с.с.) Комиссия жоққа шығару түрінде:

- жобалардың конкурсы туралы шектелген хабарландырудан кейін беру жөніндегі келісімшарттарды орналастыруды;
- келісімшарттарды тікелей келісіммен жасасуды санкцияландыра алады.

6-бап. Берулер бойынша келісімшарттарға қатысудың шарттары

5-баптың шарттары бойынша берулер бойынша келісімшарттарға қатысу үшін тең жағдай, атап айтқанда, тиісті уақытта жобалардың конкурсына қатысуға шақыруды жариялау жолымен кепілдендірілетін болады. Қоғамдастықтың хабарландыруы Қазақстан Республикасы мен басқа да мүдделі мемлекеттер үшін әдеттегідей Еуропалық қоғамдастықтың Ресми журналы мен тиісті бұқаралық ақпарат құралдарында жарияланатын болады.

7-бап. Келісімшарттарды ұсыну

КОМИССИЯ әрбір операция үшін таңдалып алынған ұсыныс, әсіресе біліктілік пен өтініш берушілерге ұсынылатын кепілдіктер, берулер мен қызмет көрсетулердің шығындары мен сапасы, жүзеге асырудың сипаты мен оған арналған жағдайлар, ұқсатуға арналған шығындар мен техникалық құндылықтар тұрғысынан алғанда, неғұрлым экономикалық тиімді болып табылады.

Берулер бойынша келісімшарттар жобалары конкурсының нәтижелері Қоғамдастықтың Ресми журналында жарияланады.

8-бап. Техникалық жәрдемдесу жөніндегі келісімшарттар

1. Техникалық жәрдемдесу жөніндегі келісімшарттар, әдетте, жобалардың конкурсы туралы шектелген хабарландырудың ізін ала немесе ол техникалық, экономикалық немесе қаржылық себептермен өзін өзі ақтайтын кезде қоғамдастықтың орталық бюджетіне қолданылатын қаржылық нұсқаулыққа сәйкес тікелей келісім рәсімі арқылы жасалатын болады.

2. Келісімшарттарды не КОМИССИЯ не ол Қаржыландыру туралы меморандумда көзделсе КОМИССИЯ немесе егер ондай болса оның Қазақстан Республикасында тіркелген өкілі бекіткеннен кейін көмекті алушы немесе оның артынан қатысатын заңды тұлға дайындайды, талқылайды және жасасады.

3. Жобалардың конкурсы туралы шектелген хабарландырудың шеңберінде КОМИССИЯ немесе ол Қаржыландыру туралы Меморандумда көзделсе Комиссияның санкциясымен көмекті алушы немесе оның атынан қатысатын заңды тұлға қатысу үшін шақырылатын әлеуетті мердігерлердің түпкілікті тізімін дайындайды.

4. Тікелей келісім рәсімдерінің шеңберінде КОМИССИЯ немесе ол Қаржыландыру туралы меморандумда көзделсе Комиссияның санкциясымен көмекті алушы немесе оның атынан қатысатын заңды тұлға кандидатты іріктейді және келісімшарт жасасады.

III тарау. Жеңілдіктер беру

9-бап. Жалпы артықшылықтар

Комиссия қаржыландыратын ІС-ШАРАЛАРМЕН айналысатын қызметшілер іссапарға жіберілген сарапшылардың мәртебесін алады және ҮКІМЕТ Қазақстан Республикасына осы мақсатпен келген бұл сарапшылар мен олардың отбасы мүшелеріне қызметі сол және осыған ұқсас мақсаттар үшін Қазақстан Республикасында қажет етілетін басқа да экспатрианттардан кем емес құқықтар мен артықшылықтар ұсынады.

10-бап. Құру, орналастыру, шығу және тұру мүмкіндіктері

Келісімшарттарға қатысуға мүдделі адамдар берулер мен қызмет көрсетулер жөніндегі келісімшарттар жағдайында, егер келісімшарттың маңыздылығы осыны талап ететін болса, Қазақстан Республикасына келуге және уақытша орналасуға және тұруға құқық алады. Бұл құқық келісімшарт туралы жарияланғаннан немесе жобалардың конкурсына қатысу жарияланғаннан және келісімшартты дайындау үшін зерттеулер жүргізумен айналысатын қызметшілер қарастырғаннан кейін ғана алынады; ол мердігер аталғаннан кейінгі бір айдан кейін өзінің күшін жоғалтады.

ҮКІМЕТ Қоғамдастық қаржыландыратын келісімшарттармен айналысатын қызметшілерге қызмет көрсетуі үшін және олардың отбасы мүшелеріне 9-бапта көрсетілгендей көп жолғы визалар береді және визалардың Қазақстан Республикасында қолданылу мерзімдерін ұзартуды қамтамасыз етеді. Одан басқа, ҮКІМЕТ жоғарыда көрсетілген іссапарға жіберілген сарапшыларға, оны келісімшарттың сипаты талап еткендегідей және оны орындау үшін қажетті кезеңнің шегінде және Қазақстан Республикасының тиісті заңдары мен тәртіптеріне сәйкес тұрғылықты орынға рұқсат алуға, онда жұмыс істеуге және қайтуға рұқсат береді.

ҮКІМЕТ сарапшылардың келуіне орай оларға және олардың отбасыларына қандай да болмасын қосымша арнайы рұқсат алу қажеттілігінсіз РЕСПУБЛИКАНЫҢ бүкіл аумағы бойынша еркін жүріп-тұру және кез келген қалада тұру үшін рұқсат пен виза береді.

11-бап. Жабдықтардың импорты мен оларды қайта экспорттау

ҮКІМЕТ ІС-ШАРАЛАРДЫ жүзеге асыру үшін қажетті кәсіби жабдықтардың және атап айтқанда автомобильдердің импорты үшін қажетті рұқсат береді.

Іссапарға жіберілген сарапшылар жобаны орындау мақсатында әкелінген автомобильдерді осы автомобильдердің келісілген жобалар үшін әкелінгендігін және Қоғамдастықтың немесе тиісті тұрғыда Қоғамдастықпен осы келісілген келісімшартты орындауға келісімшарт жасасқан ұйымның қарауында екендігін қамтитын тізімде тіркейді.

Одан басқа, ҮКІМЕТ беру мен қызмет көрсетулер жөніндегі келісімшарттарды орындаушы жеке және заңды тұлғаларға Қазақстан Республикасындағы заңдарға сәйкес жоғарыда аталған жабдықтар мен автомобильдерді қайта экспорттау үшін қажетті рұқсат береді.

12-бап. Импорт пен валюта айырбастауды бақылау

ҮКІМЕТ ІС-ШАРАЛАРДЫ жүзеге асыру үшін қоғамдастық мүшелерінің арасында өзгешелік белгілеместен импорт пен шетелдік валютаны сатып алуға рұқсат беруді және валютаны айырбастауды бақылаудың тәртібін қолдануды өзіне алады.

ҮКІМЕТ іссапарға жіберілген сарапшылар мен олардың отбасыларына техникалық көмек көрсету жөніндегі келісімшарт мерзімінің ішінде шетелдік валюталарды Қазақстан Республикасына әкелу және онда сақтау үшін қажетті рұқсат береді.

Одан басқа, іссапарға жіберілген сарапшылар мен олардың отбасы мүшелері өз қалауы бойынша пайдаланылмаған шетелдік валюталарды әкету құқығын алады.

13-бап. Салық салу және кеден

1. Салықтар мен кедендік баждар ЕҚ-ның субсидиясынан қаржыландырылмайды.

2. Жабдықтар мен автомобильдерді қоса алғандағы ЕҚ-ның субсидиясынан қаржыландырылатын немесе бірлесіп қаржыландырылатын келісімшарттарды орындаудың шеңберінде Қазақстан Республикасына әкелінетін тауарлардан импорттық баждар, салықтар немесе ҮКІМЕТ немесе қандайда бір оның органы алатын осындай сипаттағы фискальдық алымдар алынбайды.

- ҮКІМЕТ КОМИССИЯНЫ талап етуі бойынша сөз болып отырған импортталатын тауарлар жоғарыда аталған салықтарды, баждарды және алымдарды реттеу туралы қандай да болмасын дауларға қарамастан келісімшартты қалыпты орындау үшін қажет етілетіндей мерзімде өткізу пунктінен алушыға дейін өткізілетіндігіне кепілдік береді.

- ЕҚ-ның субсидиясынан қаржыландырылатын берулер жөніндегі келісімшарт Қазақстан Республикасынан шығатын өнімді қамтитын жағдайларда, келісімшарт Қазақстан Республикасында берудің сол түріне қолданылатын ішкі салықтар немесе фискальды алымдар енбейтін бағаның негізінде жасалады және бұл салықтар мен алымдардың тізімі жеке ұсынылады.

3. ЕҚ-ның субсидиясынан қаржыландырылатын келісімшарттар Қазақстан Республикасында құжаттарды шығарудың талаптарына немесе тіркеу баждарына немесе мұндай алымдардың барлығына немесе олардың алынып тасталуы тиіс екендігіне қарамастан бірдей күші бар фискальдық алымдарға түспейді.

4. ЕҚ-ның субсидиясынан қаржыландырылатын техникалық ынтымақтастық келісімшарттары бойынша жұмыс істейтін қызметші-экспатрианттарды қоса алғанда, жеке және заңды тұлғалардың Қазақстан Республикасында ҮКІМЕТ немесе қандай да болмасын оған бағынысты орган алатын:

- әлеуметтік сақтандыруға аударымдарды;

- кәсіпкерлік қызметке арналған салық пен табыс салығын немесе Қоғамдастықтан немесе Қоғамдастық келісімшарт жасасқан ұйымнан алынған кірістен осындай сипаттағы алымдарды төлеуден босатылады.

5. Техникалық ынтымақтастық жөніндегі келісімшарттарда айқындалған міндеттерді орындауда жұмыс істейтін жеке адамдардың (және олардың отбасы мүшелерінің) - аталған жерде жұмысқа алынғандарды қоспағанда - жеке пайдалануы үшін импортталатын азық-түлік сияқты жеке және үйде пайдалану заттары әкелу баждарынан, салықтардан, Қазақстан Республикасында ҮКІМЕТ немесе қандай да болмасын оған бағынысты орган алатын осындай күші бар фискальдық алымдардан босатылады.

Көрсетілген жеке және үйде тұтыну заттары келісімшарт аяқталғаннан кейін Қазақстан Республикасында қолданылып жүрген тәртіптерге сәйкес не қайта экспортталуы не Қазақстан Республикасына сыйға тартылуы мүмкін. Қазақстан Республикасында бұл көлік құралдары тек тиісті келісімшарт кезеңінің ішінде ғана

пайдаланылуы және осы кезең аяқталғаннан кейін қайта импортталуы шартымен бар ережелер мен нұсқаулықтарды сақтауға бағындырылып отбасына бір моторлы қозғалыс көлігінің кедендік баж салынбайтын импортына рұқсат етілген. Сарапшылар мен олардың отбасы мүшелері олар өздерінің қолында бар жүргізуші құқығын көрсету арқылы жергілікті жүргізушілер құқығын ала алады.

6. Кәсіби жабдықтарды импорттайтын жеке және заңды тұлғалар

11-бапта көрсетілгендей өздерінің қалауы бойынша көрсетілген жабдыққа қатысты Қазақстан Республикасының заңдарында айқындалғандай уақытша әкелу жөнінде артықшылық алады. Әкелу және әкету кезінде бұл жабдықтардың бәріне кеден баждары, салықтар мен алымдар немесе ҮКІМЕТ немесе қандай да болмасын оған бағынысты орган алатын осындай сипаттағы алымдар салынбайды.

IV тарау. Төлем рәсімдері

14-бап. Төлем рәсімдері

1. ЕҚ-ның субсидияларынан қаржыландырылатын немесе бірлесіп қаржыландырылатын келісімшарт бойынша мердігерлікке өтініш, әдетте, ЭКЮ-мен жасалады және төлем ЭКЮ-мен жүргізіледі. Ерекше негіздемелер кезінде Комиссия жекелеген жағдайларда басқа валюталарды пайдалануға рұқсат береді.

2. Мердігерлікке өтініш ЭКЮ-мен жасалғаннан кейін тиісті төлемдер төлемнің алдындағы күнге бағам бойынша ЭКЮ-дің құнына баламды негізде келісімшартта көрсетілген валютада жүргізілетін болады.

V тарау. Уағдаласушы тараптар арасындағы ынтымақтастық

15-бап. Ақпарат және көмек

1. КОМИССИЯ сарапшылардың жеке бастары және олардың қарауындағылар туралы, егер ондайлар болса, олар жұмыс істейтін келісілген жоспар туралы, олардың Қазақстан Республикасына келген күні, орналасқан жері және олардың жұмыс істеу мерзімінің ұзақтығы туралы ҮКІМЕТКЕ кешіктірмей хабарлайтын болады.

2. ҮКІМЕТ келісілген жобаларды іске асыруды жеңілдету және осы Жалпы ережелердің шарттарын орындау үшін талап етілетін кез келген әкімшілік көмек көрсететін болады.

16-бап. Инспекциялау және тексеру

1. КОМИССИЯНЫ Еуропалық қауымдастықтың Бақылау комиссиясымен бірге осындай техникалық және қаржылық миссияларды немесе тексерулерді жүргізу үшін өздерінің сенімді тұлғаларын немесе лайықты түрде уәкілетті өкілдерін, ІС-ШАРАЛАРДЫ жүзеге асыру жөнінде олар қайсысын қажет деп санаса, сонысын жіберуге құқықтары бар.

ҮКІМЕТ ақпарат ісіне қатысты және олардың билігіне өзінен қандай құжаттар талап етілсе, соның барлығын береді және тексеру немесе инспекциялау жүргізуге нұсқау алған тұлғаның жұмысын жеңілдету үшін барлық қажетті шараларды қабылдайды.

2. Қаржыландыру туралы Меморандум алушы немесе оның атынан іс-қимыл жасаушы заңды тұлға іс-шараларды жүзеге асыру үшін қаражат ұсынған жағдайда, КОМИССИЯНЫҢ мақұлдауымен ҮКІМЕТ мыналарды қамтамасыз етуге тиіс:

(а) Қаржыландыру туралы Меморандум бойынша тиісті бухгалтерлік рәсімдерге сәйкес қаржыландырылған берулер мен қызмет көрсетулердің түпнұсқалылығын белгілеу үшін жеткілікті есепке алу-тіркеу құжаттамалары мен есеп берулер сақталады;

(б) Жоғарыда аталған сенімді тұлға немесе КОМИССИЯНЫҢ өкілдері

және Бақылау комиссиясы Қаржыландыру туралы Меморандум бойынша қаржыландырылған пункттерге қатысты барлық құжаттамалар мен есеп берулерді тексеруге құқығы бар.

17-бап. Дамытуға қабылданған іс-шаралар

Тараптар орынды жерінде, Қаржыландыру туралы Меморандумда көрсетілген кестеге сәйкес дамытуға қабылданған іс-шараларды бақылай алады және ІС-ШАРАЛАРДЫ орындауға кері күші бар бағалау жүргізе алады және нәтижелері туралы бірін бірі хабардар ете алады.

VI тарау. Жалпы және түпкілікті ережелер

18-бап. Консультациялар - дауалар

1. Қаржыландыру туралы Меморандумның немесе Жалпы ережелер деректерінің орындалуына немесе интерпретациясына қатысты кез келген мәселе Уағдаласушы тараптар арасындағы консультациялардың нысанасы, қажет болғанда, Қаржыландыру туралы Меморандумға түзетулер жасауда жетекшісі болады.

2. Қаржыландыру туралы Меморандумда немесе Жалпы ережелердің деректерінде айтылғандар туралы міндеттемелер орындалмаған жағдайда, тиісті уақытта қабылданған шаралар түзетуге түспеген болса, КОМИССИЯ ІС-ШАРАЛАРДЫ қаржыландыруды ҮКІМЕТПЕН кеңескеннен кейін тоқтата тұрады немесе тоқтатады.

3. ҮКІМЕТ ІС-ШАРАЛАРДЫ жүргізуден тұтастай немесе ішінара бас тарта алады. Уағдаласушы тараптар хат алмасу жолымен мұндай бас тартудың мән-жайын келіседі.

19-бап. Хабарламалар - Мекен-жай

Тараптар арасындағы олар ұсынған кез келген хабарлама мен кез келген келісім ІС-ШАРАЛАРДЫҢ нөмір мен атауына сілтеме жасалған хат жазысулардың нысанасы болуға тиіс. Мұндай хабарламалар немесе келісімдер сол шараға рұқсат алған тарапқа жіберілген, осы тарап

көрсеткен мекен-жай бойынша жіберілген хатта баяндалатын болады. Тіпті қажет болған жағдайда, телефакс, телеграф немесе телекс арқылы берілген хабарлар бірден хатпен расталған жағдайда рұқсат етілетін болады және олардың қолданылу күші бар деп есептелетін болады.

Мекен-жайлар Қаржыландыру туралы Меморандумда көрсетілген.

Оқығандар:

Қасымбеков Б.А.

Нарбаев Е.Ә.

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК